

古今風謠

明成都楊慎升菴纂

樂亭後學史夢蘭補註

堯時康衢童謠

蘭案列子堯治天下五十年微服遊於康衢聞兒童謠云云

立我蒸民莫非爾極不識不知順帝之則

中侯稷起謠

詩緯

蒼耀稷生感迹

昌握契緇

詩緯

元鳥翔水遺卵流娥簡狄吞之生契封

包山謠

楊方吳越春秋○沈懷園南越志曰牛女之分揚之末土也爰有大山州實曰秦望又有石質

峻起壁立內有金簡玉字

古今風
禹得金簡玉字書藏在洞庭包山湖

西海童謠

吳王出遊觀震湖龍威丈人名隱居北上包山入靈墟乃造

洞庭竊禹書天地大文不可舒此文長傳百六初今強取之

喪國廬

今強取之四字一作若強取出

殷末謠 三首

代殷者姬昌日衣青光

春秋元命包

殷惑妲己玉馬走

殷尚白也陳子昂詩昔日殷王子玉馬遂朝周○走音近起○論語比讖

上天弗恤夏命其卒

呂覽○蘭案呂氏春秋慎大覽云桀迷惑於末嬉不恤其眾民心積怨皆曰云

云據此當作夏未原作殷末誤

隨雒二謠詩緯

昌受符厲倡屢斯十之世權在室

剌者配姬以放賢山崩水潰納小人家伯罔主異哉震剌者指豔

妻也孔穎達曰剌豔古今字耳

白雲謠穆天子傳曰天子觴西王母於瑤池之上西王母爲天子謠天子答之

白雲在天山陵自出道里悠遠山川間之將子無死尙能復

來山陵當作邱陵

穆天子謠

予歸東土和洽諸夏萬民平均吾顧見汝比及三年將復而

野

黃澤辭

穆天子傳曰天子東遊於黃澤使宮樂謠云

黃之陋其馬歎沙皇人威儀黃之澤其馬歎玉皇人壽穀

周宣王時童謠

國語作童謠漢書五行志有女字○蘭按史記周本紀云昔自夏后氏之衰也

有二神龍止於夏帝庭夏帝請其縈而藏之夏亡傳殷殷亡傳周比三代莫敢發至厲王之未發而觀之縈流於庭不可除厲王使婦人裸而譟之縈化爲蜃以入王後宮後宮之童妾既亂而遭之既笄而孕無夫而生子懼而棄之宣王之時童女謠云云於是宣王聞之有夫婦賣是器者使執而戮之逃於道而見鄉者後宮童妾所棄妖子哀而收之遂亡犇於褒褒人有罪請入童妾所棄女子者於王是爲褒姒

檠弧箕服實亡周國

山桑曰檠弧弓也箕竹名服矢房也○列子良弓之子必學爲箕箕蓋矢房舊

說以爲簸箕之箕非○顏師古曰服盛箭者今之步義箕草似扶而細織之爲服也○按箕字韋昭以爲木名師古以爲

名草

魯國童謡

左氏傳魯文成之世童謡也至昭公時有鸛
鵒來巢公攻季氏敗出奔齊居外野次乾侯

八年死於外歸葬魯昭公
名稠公子宋立是爲定公

鸛之鵒之公出辱之鸛鵒之羽公在外野往饋之馬鸛鵒
跖公在乾侯微褰與襦鸛鵒之巢遠哉遥遥稠父以勞宋父
以驕鸛鵒鸛鵒往歌來哭

論語比考識

子欲居九夷從鳳嬉

晉獻公時童謡

春秋左氏傳曰晉獻公伐虢圍下陽問
於卜偃曰吾其濟乎偃以童謡對曰克

之

丙之晨龍尾伏辰昀服振振取虢之旂鶉之賁賁天策焞焞

火中成軍號公其奔

晉惠公時童謠

漢書五行志曰晉惠公賴秦力得立立而背秦內殺二大夫國人不說及更葬

其兄恭太子申生而不敬故詩妖作也

恭太子更葬兮後十四年晉亦不昌昌乃在其兄

楚昭王時童謠

家語○蘭案家語楚昭王渡江江中有物觸王舟舟人取之王遍問羣臣莫之

能識王使使聘於魯問於孔子孔子曰此萍實也可剖而食之唯霸者爲能獲焉魯大夫問曰夫子何以知其然曰吾昔之鄭過乎陳之野聞童謠云云此楚王之應也是以知之

楚王渡江得萍實大如斗赤如日剖而食之甜如蜜

周末時童謠

家語○蘭案家語齊有一足之鳥下止於殿前舒翅而跳齊侯大怪之使問於孔子

孔子曰此鳥名商羊水祥也昔童兒有屈其一脚振訊兩肩而跳且謠今齊有之其應至矣

天將大雨商羊鼓舞

春秋時長春謠

易妖占

豐其屋下獨苦長狄生世主虜

齊人謠

春秋寶乾圖

移河爲界在濟呂填闕八流以自廣

書九河注疏引之言齊桓公闕八流拓境塞其

東流八枝并使歸於徒駭也

齊人東郭謠

蘭案管子戒篇此管仲告桓公語並非童謠

東郭有犬唯唯日夕欲噬我狝西郭有犬唯唯日夕欲噬我

狝北郭有犬唯唯日夕欲噬我狝

指豎刁易牙開方三子也

吳夫差時童謠

梧宮秋吳王愁

燕昭王時童謠

戰國策田單攻狄不下童謠曰○蘭案

云云註壘軍壁也言大不能降一壘小不能枯一丘

言無人物補註曰吳氏韻補能叶年題反丘叶一其

反廬陵劉氏讀壘枯丘謂空守一丘爲壘說苑攻狄

不能下壘於梧丘齊景公田於梧地名也一本引北

堂書鈔同說苑無能字一本壘枯骨成丘通鑑從之

各有不同似梧丘義長據此則題當作齊嬰兒謠

大冠若箕修劒拄頤攻狄不能下壘枯邱

趙殺李牧童謠

蘭案風俗通趙王遷信秦反間之言殺其良將李牧而任趙括遂爲所滅此童

謠云

云

秦爲笑趙爲號以爲不信視土上生毛

秦皇時民謠

楊泉物理論

生男慎勿舉生女哺用脯不見長城下尸骸相支柱

三尸謠

懷王爲張儀所欺客死於秦至王負芻遂爲秦所滅百姓哀之爲之語曰○蘭案史記項羽紀

注張晏曰三尸地名在梁洪西南韋昭曰三尸楚三大姓昭居景也正義三尸漳水津也

楚雖三尸亡秦必楚

甘泉謠

運石甘泉口河水不敢流千人唱萬人謳金陵餘石大如漚

虞美人帳中歌

史記正義

漢軍已略地四面楚歌聲大王義氣盡賤妾何聊生

平城歌

漢書匈奴傳高帝自將兵三十二萬擊韓王信帝先至平城步兵未盡到冒頓縱精兵三十餘

萬圍帝於白登七日漢軍中外不得救餉天下皆歌之白登在平城東南十餘里

平城之下亦誠苦七日不食不能穀弩

畫一歌

蘭案此本史記曹參傳

蕭何爲法類若畫一曹參代之守而勿失載其清靜民以甯

一韻音較讀作獵較之較漢書作講史記作類言法之畫一若斗斛類量也

戚夫人歌

蘭按漢書外戚傳高祖得定陶戚姬愛幸生趙隱王如意惠帝立呂后爲皇太后廼令永春且歌太后聞之大怒遂有人箠之禍

子爲王母爲虜終日春薄暮常與死爲伍相離三十里當誰

使告汝

淮南王謠

一尺布暖融融一斗粟飽蓬蓬兄弟二人不見容

此與漢書史記所

不同見淮南子敘錄○蘭按漢書淮南厲王傳民有歌云一尺布尚可縫一斗粟尚可舂兄弟二人不相容

潁川歌

漢書灌夫任俠爲權利橫潁川潁川兒歌之

潁水清灌氏甯潁水濁灌氏族

茂陵中書歌

都荔遂芳美磴鼓行

廣陵王歌

廣陵厲王胥武帝第五子也昭帝無子胥有覬心迎女巫下神咒詛事發覺當死胥置酒

夜飲鼓琴歌舞○

蘭案此本漢書

欲久生兮無終長不樂兮安窮奉天期兮不得須臾千里馬
兮駐待路黃泉下兮幽深人生要死何爲苦心何用爲樂心
所喜出入無蹤爲樂亟蒿里召兮郭門閱死不得取代庸身

自逝

燕王歌

燕王武帝第四子也昭帝時謀事不成妖祥數見發覺王置酒坐飲王自歌華容夫人起舞坐

者皆泣
王自殺

歸空城兮狗不吠雞不鳴橫街何廣廣兮固知國中之無人

華容夫人歌

蘭案以上二歌皆出
漢書燕刺王旦傳

髮紛紛兮寘渠骨籍籍兮亡居母求死子兮妻求死夫裴回

兩渠間兮君子將安居

孟康曰寘音羈
謂髮挂渠也

廣川王歌

廣川王去爲愛姬陶望卿作○蘭案漢書廣
川王去繆王齊太子也西京雜記作去疾

背尊章嫖以忽諫屈奇起自絕行周流自生惠諒非望今誰

怨

愁莫愁生無聊心重結意不舒內弗鬱憂哀積上不見天生

何益日崔嵬時不再願棄軀死無悔

京兆謠

漢書尹賞傳

何所求死子桓東少年場生時諒不謹枯骨竟何葬

匈奴歌

十道志曰焉支祁連二山皆美水草匈奴失之乃作此歌漢書元狩二年春霍去病將萬騎出

隴西討匈奴過焉支山千有餘里其夏又攻祁連山捕首虜甚衆祁連山即天山匈奴呼天爲祁連故曰祁連焉支山即燕支山也習鑿齒與燕王書曰山下有紅藍足下先知否北方人採其花染緋黃採取其上英鮮者作胭脂婦人採將用顏色吾少時再三過見胭脂今日始親紅藍後當足致其種

失我焉支山令我婦女無顏色失我祁連山使我六畜不蕃

息

長安謠

漢書佞倖傳曰成帝初石顯與妻子徙歸故鄉其黨牢梁陳順皆免官諸所交納以顯爲官皆

廢罷少府五鹿充宗左遷元菟太守御史中丞伊嘉爲雁門都尉長安謠云

伊徙鴈鹿徙菟去牢與陳實無價

蘭案太平御覽引作去牢與陳石無徒漢書價作賈

師古曰賈讀曰價

牢石歌

漢書佞倖傳曰元帝時石顯爲中書令與僕射牢梁少府五鹿充宗結爲黨友諸附倚者得寵

位民歌之言其兼官據勢也

牢邪石邪五鹿客邪印何累累綬若若邪

五侯歌

漢書曰成帝河平二年悉封舅大將軍王鳳庶弟譚爲平阿侯商成都侯立紅陽侯根曲陽侯

逢時高平侯五人同日封故世謂之五侯時五侯兄弟爭爲奢侈後庭姬妾各數十人羅鐘磬舞鄭女作倡優狗馬逐馳大治第室起土山漸臺洞門高廊閣道連屬彌望百姓歌之言其奢侈如此傳稱成都侯

穿長安城引內灋水注第中大陂曲陽侯第園中土
山漸臺類白虎殿則穿城引水非曲陽與歌辭不同
高都外杜皆
長安里名

五侯初起曲陽最怒壞決高都連竟外杜土山漸臺西白虎

漢成帝時歌謠

漢書五行志曰成帝時歌謠也桂赤色
漢家象華不實無繼嗣也王莽自謂黃

象黃爵巢
其顛也

邪徑敗良田讒口亂善人桂樹華不實黃爵巢其顛昔爲人
所羨今爲人所憐

漢成帝燕燕童謠

漢書五行志曰成帝時童謠後帝爲
微行出遊常與富平侯張放俱稱富

平侯家人過河陽主作樂見舞者趙飛燕而幸之故
曰燕燕尾涎涎美好貌也張公子謂富平侯也水門
倉琅根爲宮門銅鑊言將尊貴也後遂立爲皇后與
弟昭儀賊害後宮皇子卒皆伏辜所謂燕蜚來啄皇

孫皇孫死燕
啄矢者也

燕燕尾涎涎張公子時相見木門倉琅根燕飛來啄皇孫皇

孫死燕啄矢

爾雅漢書作涎涎
涎堂練切音電

更始時南陽童謠

後漢五行志曰更始時南陽有童謠
是時更始在長安世祖爲大司馬平

定河北更始大臣並僭專權故妖謠作也後更始遂
爲赤眉所殺是更始之不諧在赤眉也世祖自河北
興

諧不諧在赤眉得不得在河北

王莽時汝南童謠

漢書曰汝南舊有鴻隙大陂郡以爲
饒成帝時關東數水陂溢爲害翟方

進爲相與御史大夫孔光共遣掾行視以爲決去陂
水其地肥美省隄防費而無水憂遂奏罷之及翟氏
滅鄉里歸惡言方進請陂下良田不得而奏罷陂王
莽時常枯旱郡中追怨方進時有童謠子威方進字

也

壤陂誰耜子咸飯我豆食羹芋魁反乎覆陂當復誰云者兩

黃鵠

王莽末天水童謡

時隗囂初起兵於天水後意稍廣欲爲天子遂破滅囂少病蹇吳門冀郭

門名也緹羣山名也○

蘭按此本漢書五行志

出吳門望緹羣見一蹇人言欲上天今天可上地下安得民

漢博南謡

明帝永平十年置哀牢博南二縣割益州郡西部都尉所領六縣合爲永昌郡始通博南

山度蘭倉水行者苦之歌曰○蘭案

後漢書西南夷傳作永平十二年

漢德廣開不賓度博南越蘭津度蘭倉爲它人

建安六年蜀中童謡

蘭案漢書五行志世祖建武六年蜀童謡云云是時公孫述僭號於